

## К ОПУБЛИКОВАНИЮ

### КОМИ РЕСПУБЛИКАСА ЮРАЛЫСЬЛӨН ИНДӨД

#### **«Сыктывкар» кар кытшлөн муниципальной юкөнса администрациялөн Краснозатонской кар кодь посёлокын порсьяслөн африкаса чумаён пемөсьяслөн висьомкөд йитөдын дзескөдан мероприятиеяс (карантин) урчитөм йылысь**

«Ветеринария йылысь» Россия Федерацияса Оланпаслөн 3<sup>1</sup> да 17 статьяяс, «Пемөсьяслөн вуджан висьомьяслысь, сы лыдын торья өпасной висьомьяслысь, кутшөмьяс серти вермөны урчитны дзескөдан мероприятиеяс (карантин), лыддьөг вынсьөдөм йылысь» Россия Федерацияса видз-му овмөс министерстволөн 2011 во öшым төлысь 19 лунся 476 №-а да «Öлөдан, диагностируйтан, дзескөдан да мукөд мероприятие збыльмөдан, карантин да мукөд дзескөдөм, кутшөмьясөс веськөдөма сы вылө, медым видзчысьны порсьяслөн африкаса чумаён висьманін паськалөмысь да дугөдны сійөс, урчитан да дугөдан ветеринарной правилөяс вынсьөдөм йылысь» Россия Федерацияса видз-му овмөс министерстволөн 2016 во ода-кора төлысь 31 лунся 213 №-а тшөктөдьяс серти, «Сыктывкар» кар кытшлөн муниципальной юкөнса администрациялөн Краснозатонской кар кодь посёлокын порсьяслөн африкаса чумаён пемөсьяслөн висьомкөд йитөдын порсьяслөн африкаса чума серти дзескөдан мероприятиеяс (карантин) урчитөм йылысь» Коми Республикаса видз-му овмөс да потребительской рынок министрлөн 2021 во урасьом төлысь 16 лунся представление подув вылын шуа:

1. Урчитны порсьяслөн африкаса чумаён пемөсьяслөн висьом серти эпизоотической висьманінсянь 25 км гөгöрын дзескөдан мероприятиеяссö (карантинсö) 2021 вося урасьом төлысь 16 лунсянь порсьяслысь африкаса чума бырөдан мероприятиеяс нуөдны помавтөдз период вылө.

2. Дзескөдан мероприятиеяссö (карантинсö) колө дугөдны эпизоотической висьманінын став порсьөс бырөдөм да висьманін дорө медматысса зонаын порсьясөс начкөм, мукөд мероприятие нуөдөм, кутшөмьясөс урчитөма Öлөдан, диагностируйтан, дзескөдан да мукөд мероприятие збыльмөдан, карантин да мукөд дзескөдөм, кутшөмьясөс веськөдөма сы вылө, медым видзчысьны порсьяслөн африкаса чумаён висьманін паськалөмысь да дугөдны сійөс, урчитан да дугөдан ветеринарной правилөясөн, кутшөмьясөс вынсьөдөма Россия Федерацияса видз-му министерстволөн 2016 во ода-кора төлысь 31 лунся тшөктөдөн (водзö - Ветеринарной правилөяс) да став мероприятиеяссö нуөдан тырвыйöлун йылысь торья противоэпизоотической комиссиялөн заключение сетөм бöрын, кутшөмөс лөсьөдөма Коми Республикаса Веськөдлан котырлөн 2009 во йирым төлысь 13 лунся 293 №-а шуөмөн.

3. Урчитны, мый порсьяслөн африкаса чумаён эпизоотическөй висьманінөн лоо Николай Васильевич Фроловлөн аспом подсобнөй овмөсын, мый меститчөма татшөм инпас серти: Краснозатонскөй к.к.п., Пожөма эрд места, Ошкамөшка ул., 31 к., «Сыктывкар» кар кытшса муниципальнөй юкөн.

4. Урчитны порсьяслөн африкаса чумаён эпизоотическөй висьманінкөд орчча мутасын висьманін дорө медматысса зонасө 19 километр гөгöрын месталысь ландшафтно-географическөй аслыспөлöслуныяссө да транспорт йитөдьяссө төд вылө босьтөмөн.

5. Порсьяслөн африкаса чумаён эпизоотическөй висьманінкөд орчча мутасын урчитны висьманін дорө матысса зонасө висьманінлөн мудорьясянь 25 километр гөгöрын месталысь ландшафтно-географическөй аслыспөлöслуныяссө да транспорт йитөдьяссө төд вылө босьтөмөн, кытчө пырöны «Сыктывкар» кар кытшса муниципальнөй юкөнлөн, «Көрткерөс» муниципальнөй районлөн, «Сыктывдін» муниципальнөй районлөн мутасьяс.

6. Дугөдны дзескөдан мероприятиеяслөн (карантинлөн) вына период вылө:

а) эпизоотическөй висьманінын:

бокөвөй йөзөс мутасө волөмсө, уджалысьяс кыдзи, кодьяс збыльмөдöны производственной (технологическөй) операцияяс, сы лыдын порсьясөс могмөдөм серти, канму ветеринарнөй служба специалистьяс да висьманін бырөдöны корөм уджалысьяс кыдзи, йөз кындзи, кодьяс олöны либө недыр кад чөж олöны мутасын, кутшөмөс шуөма эпизоотическөй висьманінөн;

порсьясөс мөдлаө вуджөдөмсө да найөс выль пөв группируйтөмсө;  
став сикас пемөсөс начкөмсө, пемөсьясөс да найөс начкөм бöрын артмөм прөдуктьяс, а сідзжө көрым вузалөмсө;

скөт видзан да быдмөгьяс вөдитан став прөдукция ректөмысь, кутшөмөс лэдзöны (вөчöны) эпизоотическөй висьманінын;

эпизоотическөй висьманінө (висьманінысь) транспорт петөмысь да пырөмысь, кутшөмьясөс оз уджөдны порсьяслөн африкаса чумаён висьманін бырөдан да (либө) йөзлысь олөмсө могмөдан мероприятиеясын, кодьяс олöны да (либө) недыр кад чөж олöны эпизоотическөй висьманінөн шуөм мутасын;

став сикас кыйсьөм-вөралөмсө, кыйсян-вөралан озырлун лыдсө ладмөдөм могысь кыйсьөм-вөралөм кындзи пөрадокын, кутшөмөс урчитөма «Кыйсьөм-вөралөм йылысь да кыйсян-вөралан озырлун видзөм йылысь да Россия Федерацияса өткымын оланпастэчас актө вежсьөмьяс пыртөм йылысь» Федеральнөй оланпасөн;

вөрпорсьясөс яй вылө кыйөм серти, чучелаяс вөчөм вылө, мукөд мог вылө мукөд мероприятиесө, а сідзжө висьманіньясө да мутасьясө, көні вермис паськавны висьөмысь, бокөвөй йөзөн волөмсө, видз-му овмөс пемөсьяслы көрым да вольөсьяс дасьтөмсө;

вөрпорсьяслысь лыдсө ладмөдан мероприятиеяс нуөдөмсө, кутшөмьяс йитчөмаөсь пемөсьясөс лыйөмкөд (пемөсьясөс ловйөн куталөм

либõ вир кисьттõг мукõд кыянног кындзи) Россия Федерацияса оланпастэчас серти лõддза-номья тõлысь 1 лунсянь õшым тõлысь 1 лунõдз периодõ;

б) висьманін дорõ медматысса зонаын:

ловья порсьясõс, порсьясõс видзан прõдукция да сырьё висьманін дорõ медматысса зона сайõ петкõдõмсõ;

порсьясõс да порсьясõс начкõм бõрын артмõм прõдуктьяс вузалõмсõ; промышленнõя дасьтõм порсьясõс видзан прõдукция вузалõм кындзи;

олысьяслысь порсьясõс ньõбõмсõ, канму ветеринарнõй служба са специалистьяслõн контроль улын порсьяслõн африкаса чумаõн висьманін бырõдан мероприятиеяс дырйи олысьяслысь порсьясõс ньõбан мероприятиеяс кындзи;

зонаын порсь яй, порсь видзан сырьё да прõдуктьяс дасьтõмсõ да найõс нуõмсõ, порсь видзан шыбласьяс, порсь видзигõн вõдитчан оборудование да инвентар нуõмсõ;

видз-му овмõс ярмангаяс, выставкаяс (аукционьяс) да мукõд мероприятие нуõдõмсõ, кутшõмьяс йитчõмаõсь порсьясõс новлõдлõмкõд, мõдлаõ нуõмкõд да чукõртõмкõд;

абу промышленнõя дасьтан порсь видзан прõдукция мõдõдõмсõ, пошта пыр ыстõмсõ пыртõмõн;

в) висьманін дорõ матысса зонаын:

порсьясõс да порсьясõс начкõм бõрын артмõм прõдуктьяс вузалõмсõ, промышленнõя дасьтан скõт видзан прõдуктьяс вузалõм кындзи;

видз-му овмõс ярмангаяс, выставкаяс (аукционьяс) да мукõд мероприятие нуõдõмсõ, кутшõмьяс йитчõмаõсь мый йитчõма порсьясõс новлõдлõмкõд, мõдлаõ нуõмкõд да чукõртõмкõд, порсь видзан овмõсса производственнõй уджкõд йитчõм случайяс кындзи, кутшõмьяс пырõны III да IV компарментьяс лыдõ да кутшõмьясõс киритõмаõсь висьманін дорõ матысса зонаысь Ветеринарнõй правилõяслõн 22.2 пункт серти;

олысьяслысь порсьяс ньõбõмсõ;

порсьясõс, сы лыдын порсьясõс, кодьясõс видзõны лэбув улын, гуляйтõдõмõн видзõмсõ. Висьманін дорõ матысса зонаса овмõсъясын торья йõз да юридическõй кывкутысьяс – порсь кутысьяс (видзысьяс) видзõны найõс сідзи, медым порсьяс да вõрпорсьяс эз вермыны матыстчыны õта-мõд дорõ;

абу промышленнõя дасьтан порсь видзан прõдукция мõдõдõм, пошта пыр ыстõмсõ пыртõмõн;

ловья порсьясõс, порсь видзан прõдукция да сырьё нуõмсõ, кутшõмьясõс 70°C вылынджык температураа шоньдõн промышленнõя эз обработайтны, мый могмõдõ сэтысь зараза бырõдõмсõ, овмõсъяс кындзи, кутшõмьяс пырõны III да IV компарментьяс лыдõ да кутшõмьясõс киритõмаõсь висьманін дорõ матысса зонаысь Ветеринарнõй правилõяслõн 22.2 пункт серти.

7. Урчитны, мый порсьяслõн африкаса чумаõн висьманіньяс бырõдан торья мероприятиеясõс, кутшõмьясõс урчитõма Россия Федерацияса ветеринарнõй оланпастэчасõн, нуõдõны Ветеринарнõй правилõяс серти.

8. Коми Республикаса видз-му овмӧс да потребительскӧй рынок министерстволы:

сы могысь, медым ӧдйӧ разны мытшӧдъяссӧ, кутшӧмъяс йитчӧмаӧсь Коми Республикаын порсяслӧн африкаса чума паськалӧмысь ӧлӧдӧмкӧд да сйӧс бырӧдӧмкӧд, вӧзйыны нуӧдны торъя противозэпизоотическӧй комиссиялысь заседанияс, кутшӧмӧс лӧсьӧдӧма Коми Республикаса Воськӧдлан котырлӧн 2009 во йирым тӧлысь 13 лунся 293 №-а шуӧмӧн, Ветеринарнӧй правилӧяс серти;

вынсьӧдны порсяслӧн африкаса чумаӧн висьманӧн бырӧдан да висьӧм босьтчӧдысь паськалӧмсӧ дугӧдан мероприятияяслысь плансӧ.

9. Тайӧ Индӧдыс вынсялӧ сйӧс официальной йӧзӧдан лунсянь.

Коми Республикаса Юралысь

В. Уйба

Сыктывкар

2021 вося урасьӧм тӧлысь 16 лун

22 №